


清·方略館 編

清代 方略 全書

北京圖書館出版社





清代方略全書

一二三

清·方略館
編

北京圖書館出版社

欽定剿平粵匪方略卷二百四

戊午年

九月初八日

庚辰

德興阿奏言

臣自八月二十五

日以後病勢稍愈擬俟潰兵到齊整隊赴援六
合詎賊竄儀徵天長亦復失陷揚州爲清淮門
戶儻不設法堵禦必難遏其北竄之路臣飛咨
和春囑其兼顧六合飭副將鞠耀乾嚴督師船
防堵並留礮船協同駐守昨據和春來咨已調

黃彬師船駐守鎮江李新明師船駐泊石埠橋
臣飭該員等星夜下駛以期南北聯絡江防既
定卽親至萬福橋查看潰兵共有三千餘名臣
派員管帶擇要扼守當令安勇紮營司徒廟寶
山一帶英貴等紮營三汊河毛三元於萬福橋
六牖仙女廟邵伯等處督練民團設要安置礮
船以顧東路復派鄧鳳林於邵伯趙樹棠於仙

十命軍

女廟攔截潰兵彈壓土匪又飭詹啟綸駐守西
門外王希堂駐守刁家廟臣安營五臺山成明
隨同駐紮鞠殿華安營北門外其馬隊招集五
百餘名令海全博奇帶赴蔣王廟復飭淮揚道
郭沛霖等督率揚城文武加意扼守另撥勇三
百名協防城內儻得保守揚州則清淮可免竄
擾諸將士養蓄之後必能勉效前驅前據江浦

縣知縣陶金貽稟稱逆衆犯城官軍被圍三日
均由水師渡往南岸茲據馬國陞來見始知兵
雖渡出而散者頗多亦未能爲六合之援臣思
羅玉斌溫紹原因守城內外援不至恐糧藥垂
盡勢弱不保臣擬俟馬隊喘息稍蘇仍令富明
阿等帶從小路救援六合奏入

上命軍機大臣傳諭德興阿曰天長儀徵相繼失陷此

時維持北路大局自以力保揚城爲要現在收集潰散兵勇三千餘名暫令休息俟揚城一帶布置定妥仍當激勵兵勇恢復儀徵等縣爲進取之計不得株守揚州致逆賊知我虛怯更肆鷗張六合孤城被困雖溫紹原素得民心暫堪固守若日久無援亦恐力竭失陷和春調回之周天培援浙一軍有六千餘名之多著卽飛咨和春知照周天培等帶兵各員分半

救援六合分半馳赴揚州協同德興阿攻剿兩處兼顧不至疏虞
同日慶端奏言閩省收復浦城圖攻水吉建陽兩處總兵周天受周天培等於七月二十八日派前敵敗賊於迴龍塘旋即進攻水吉嗣因對岸股匪尙多周天培督隊前赴迴龍駐紮挑隊往水吉相度地勢見該逆在老佛菴築有賊卡

二座當派副將郭啟舉等率隊攻擊立斃黃衣賊目二名而水吉突有三四千賊由營頭地方分兩路來援我軍亦從捲橋分隊迎擊當將該逆擊退追至上瑤我軍立將上瑤賊巢數處踏毀卽督隊追殺至水吉河邊該逆撲河逃竄仍由水吉退回八月初五日周天培復會合周天受派到策應之軍分隊一攻老佛菴賊卡一在

沿河布陣攻不踰時而老佛菴賊卡俱破斃賊
極多周天培又督隊涉水渡河進攻南岸其營
頭地方又有賊營抵拒卽派都司榮陞等率隊
由右路攻之副將郭啟舉由青潭小路攻水吉
大巢副將陳開選等由中路直徧水吉該處地
面寬闊爲閩省水陸要衝賊巢堅固拌死抗拒
我軍衝鋒冒石節節進徧營頭賊卡先爲我破

大巢賊衆卽自慌亂郭啟舉等乘勝搶入該逆
棄巢鼠竄我軍兜殺無數餘匪逃奔建陽大路
當將水吉南北兩岸一律肅清陳開選等追殺
二十餘里迴龍水吉一帶鄉民亦藏於僻徑見
賊卽殺更助軍威又據總兵王捷元林向榮會
稟吉陽鄉村被賊攻陷該鎮等拔隊進剿擊斃
賊匪多名水吉餘匪竄併建陽旋分股半山南

路徊窺竄順昌半由西路入邵武初八日經濠
墩等鄉聯勇由東北兩門攻擊斃匪無算該聯
勇首先入城已革知府匡開益帶領楚勇繼進
收復建陽縣城查水吉建陽兩處被匪攻陷之
時林向榮各隊兵勇節節潰退建郡大局幾將
瓦解此次周天受等乘勝進攻水吉聯勇規復
建陽均屬奮勇可嘉惟該逆現由房村竄併邵

昭武且崇安尙未克復亟應乘勝分投攻勦以期
帶更盡殲醜類現飭饒廷選等速由浦城入閩馳攻
尤擊崇安周天培分兵由延平進擊上洋以便上攻
竄將邵武克復郡城一面分飭保泰林向榮等搜捕
夫建屬餘匪毋任竄越漏網其在事出力文武員
弁兵勇聯丁容臣擇尤保奏仰懇 聖恩
恩施奏入

日縣天受周天部肅令前嫡娘類付歐

上諭內閣曰總兵周天受周天培派令前敵敗賊於迴
龍塘旋即進攻水吉周天培等親督各隊涉河進攻
先破營頭賊卡當將水吉南北兩岸一律肅清餘匪
竄併建陽等處經濠墩等鄉聯勇由建陽東北兩門
攻擊斃匪無數該聯勇首先入城叅革知府匡開益
帶勇繼進當將縣城克復辦理尙屬得手著該署督
卽分飭保泰等搜捕餘匪無任竄越所有在事出力

員弁聯丁准其擇尤保奏

會西定州衣絲帶顯聖

慶端又奏言總兵周天受周天培於七月初十日攻復龍泉後周天培率副將陳開選等爲頭二隊周天受率副將李嘉萬等爲後隊周天培先於龍泉浦城交界之龔村嶺分紮營卡二十日賊來撲營經參將馬承恩等分投迎擊其衝陣悍賊往來驕戰我軍佯退將賊引至近卡卽

放排槍轟斃逆賊無數賊卽奔敗我軍掩殺三十餘里於關莊地方屯紮賊又回撲我軍併力抵禦鏖戰至晚陳開選等各帶隊趕到抄於賊後榮陞等聞後路喊聲大震愈殺愈奮面面環攻斃賊甚多賊乃抵死奪路奔竄入城我軍乘勝儘追時已昏夜於離城十里之松波橋紮隊連夜催集後軍並約會西坑地方統帶福建兵

勇之遊擊戴慶吳等定於二十一日攻城迨至
黎明卽令郭啟舉等分率各軍先攻城外賊營
踏毀七座遂圍攻東北兩門逆匪突啟西關撲
出又被兵勇截殺榮陞等率隊抄過南門截賊
後隊斬擒不少撲河死者無算餘匪奔竄廣豐
崇安兩路我軍追擊二十餘里當將浦城縣克
復所有出力員弁兵勇應查明奏懇